



RELATÓRIU TRIMESTRÁL FUNDU MINA-RAI NIAN

Trimestre ne'ebé termina iha 30 Setembru 2021

KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba trimestre ne'ebé termina iha lora 30 fulan Setembru tinan 2021. Relatóriu ne'e hatudu katak kapitál Fundu nian iha trimestre ikus ne'e mak billiaun US\$19.17 kompara ho billiaun \$19.49 iha fim trimestre dahuluk.

Relatóriu ne'e mós hatudu katak totál reseitas mak simu iha trimestre ne'e hamutuk millaun \$123.80 ne'ebé kompostu husi kontribuisaun *kontribuinte* sira ba Fundu hamutuk millaun \$41.85 no pagamentu *royalty* simu husi Autoridade Nasionál Petróleu (ANP) mak millaun \$76.13 no anual pipe line fee mak millaun \$5.81.

Rendimentu husi investimentu Fundu nian ne'e hamutuk millaun \$6.86 kompostu husi kupaun no dividendu ne'ebé simu mak millaun \$66.67, mudansa iha valór merkadu nian millaun -\$49.52 no movimentu cambiais Imak millaun -\$4.83 iha trimestre ne'e. Ne'e rezulta rendimentu ba karteira Fundu nian durante trimestre ne'e 0,00% enkuantu rendimentu sasukat (*benchmark*) nian ba periodu ne'e mak 0,05%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala lima nulu resin sia dahuluk. Diferensia entre portofoliu no pontu referensia iha periode nee 13 ponto de base ou 0,13 pursentu. Dezenpenu absoluta retornu fundu nian hahú husi inísiu mak 4,87 pursentu.

Pontu importante husi Relatóriu Trimestre ba dala LIX, ne'ebé kobre periodu 01 fulan Jullu to'o lora 30 fulan Setembru tinan 2021, inklui:

- Kapitál Fundus nian mak billiaun \$19.17.
- Osan kontadu bruto fundus nian tama husi kontribuisaun kontribuinte, realeza (*royalties*) hamutuk mak millaun \$123.80.
- Osan kontadu líquido ne'ebé sai husi Fundu durante trimestre ne'e hamutuk millaun \$452.19 kompostu husi millaun 447.87 transfere ba Orsamentu Estadu no millaun \$4.31 kobre kustus jestaun nian.
- Rendimentu portofoliu instrumentu merkadu finanseiru iha periodu ne'e mak 0,00% kompara ho rendimentu referensia mak 0,05%.

Relatóriu trimestrál, lei Fundu Mina-Rai nian nomós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili 09 Novembru 2021

Venancio Alves Maria
Vice Governador

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)